

SCRIPT OF EVENING GOJRI NEWS BULLETIN 17SEP 1700 HRS

ایونینگ گو جری نیوز بلیٹن مورخہ 17 ستمبر 2025

یوہ آکا شوانی جموں ہے محمد اشفاق تے نصرت چوہدری تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے اج شیر کشمیر بین العقوامی کانفرنس مرکز سرینگر مانہ سواستہ ناری سشکت پریوار ابھیان گو آغاز کیو جس تیں بعد اُنہاں سیوا پکھواڑا مہم گا حصہ گا طور ور جے ایل این ایم اسپتال گو دورو وی کیو۔
- ۲۔ وزیر اعظم نریندر مودی کی سالگرہ گا موقع ور ملک بھر مانہ سیوا پکھواڑا مہم گو آغاز ہووے۔ جہڑی 2 اکتوبر توڑی جاری رے گی۔
- ۳۔ لیفٹیننٹ گورنر منوج سنہا نے رام بن گول سڑک ور بیلی پُل گو افتتاح کیو جس سنگ 1 لکھ 50 ہزار رہانیشاں نانہ سفر مانہ آسانی وے گی۔
- ۴۔ وزیر اعلیٰ عمر عبداللہ نے اج ضلع پونچھ گا کالا بن علاقہ گو دورو کر گے متاثر افراد نانہ مزید 38 لکھ روپیہ کی امداد گو اعلان کیو ہے۔
- ۵۔ جموں سرینگر قومی شاہراہ اج 3 ہفتہ تیں بعد بڑی گڈیاں گی آو جائی واسط فر تیں کھول دتی ہے۔

LG SWASTH NARI

لیفٹیننٹ گورنر منوج سنہا نے اج شیر کشمیر بین العقوامی کانفرنس مرکز سرینگر مانہ سواستہ نازی مشکت پریوار ابھیان گو آغاز کیو جس مانہ عورتاں کی صحت تے اُنہاں نانہ با اختیار بنان گا کردار نانہ اُجاگر کی وگیو تانجے مضبوط خاندان تے صحت مند معاشرہ نانہ تشکیل دتو جاسکے اس بارے بولتا واں ایل جی موصوف نے اس طرح کہیو۔ وزیر اعظم نریندر مودی کی 75 ویں سالگرہ ور لیفٹیننٹ گورنر منوج سنہا نے جے ایل این ایم اسپتال رینا واری گو دورو کرتا واں سیوا پکھواڑا مہم ایک حصہ گا طور ور مریضاں مانہ پھل تقسیم کیا اس موقع ور ایل جی موصوف نے وزیر اعظم نریندر مودی کی قیادت ملک بھر مانہ آئی تبدیلی نانہ اُجاگر کیو جس گے تحت قریب 25 کروڑ لوکاں نانہ غربت توں باہر آئیو گیو ہے جس غے نال بھارت دنیا کی چوتھی بڑی معشیت بن گیو ہے ذرائع ابلاغ سنگ خطاب کرتا واں ایل جی موصوف نے اس طرح کہیو۔

SEWA PAKHWADA

وزیر اعظم نریندر مودی کی سالگرہ گا موقع ور اج پورا ملک مانہ سیوا پکھواڑا مہم گو آغاز ہووے۔ تے یاه مہم 2 اکتوبر توڑی جاری رے گی تے 2 اکتوبر نانہ مہاتما گاندھی ت لعل بہادر شاستری کی برسی وی ہے قابل ذکر ہے جے وزیر اعظم نریندر مودی سیاست کی دنیا مانہ ایک بااثر سیاسی رہنما ثابت ہوا ہیں بھارت گا وزیر اعظم کی حیثیت نال اُن کی قیادت بے مثال رہی ہے جس نے عوام کی توجہ تے دادرسی حاصل کی ہے اس خصوصی رپوٹ مانہ ہم نمایاں شخصیات کی وزیر اعظم نریندر مودی بارے رائے پیش کر رہیا ہیں جس مانہ پہلی شخصیت ایکثر ت فلم پروڈیوسر شارک

خان نے بولتا واں اس طرح کہیو۔ ان تیں بعد بھارتی کرکٹ ٹیمگا تیز بالر سراج نے وزیر اعظم نریندر مودی بارے اس طرح کہیو۔

PLOG RUN

صفائی ہی خدمت تے سیوا پرو 2025 غے تحت جموں میونسپل کارپوریشن نیاج گورنمنٹ اسپتال سروال تیں ٹالی موڑ مہاجن نرسری غیسامنے ایک پلاگ رن منعقد کیو تانجے شہریاں نانہ صاف ستھرو تے صحت مند بارے پیغام دتو جاسکے مختلف شعوباں تیں شہریاں نے حصو لیو تے دوڑتاں وقت کچرو چایو تاکہ صفائی غو پیغام دتو جاسکے۔ جے ایم سی غا اہلکاراں نے کہیو کہ ہر چھوٹو قدم پلک نانہ صحت مند بنن مانہ مدد دے غو۔ اس موقع ور ذرائع ابلاغ سنگ گل کرتا واں جے ایم سی غا کمشنر ڈاکٹر دیوانش یادو نے اس طرح کہیو۔

LG BAILEY BRIDGE

لیفٹیننٹ گورنر منوج سنہا نے اج مجازی طورور رام بن گول سڑک ور بیلی پل گو افتتاح کیو یوہ پل رامبن سنگلدان تے گول علاقہ گا قریب 1 لکھ 50 ہزار بسنیکاں نانہ رابطہ سہولت فراہم کرے گو واضع رہ جے حالیہ قدرتی آفات تے طوفان و طفیانی نے بنیادی ڈھانچہ نانہ شدید نقصان پُچایو جس غی وجہ توں رابطو منقطع ہو گیو تھو قابل ذکر ہے جے یوہ پل بھارتی فوج نے مشکل حالات مانہ تعمیر کیو جھڑو کے اُن کی خدمات کی علامت ہے اس سلسلہ مانہ ایل جی موصوف نے فوج کی انتھک کوششاں کی تعریف کی ہے اس موقع ور ضلع ترقیاتی کمشنر رام بن محمد الیاس خان اُت موجود تھا تے اُنہاں نے کہیو جے یو پل سفر نانہ آسان بناوے گو تے مقامی بحالی مانہ مددگار ثابت وے گو۔ اس بارے بولتا واں اُنہاں نے اس طرح کہیو۔

CM POONCH

وزیر اعلیٰ عمر عبداللہ نے اج ضلع پونچھ اندر تحصیل مینڈر گا گراں کالہ بن گو دورو کرگے زمین تھسن کی وجہ سنگ ہوا نقصان بارے جائیزو لیو۔ اس موقع ور اُنہاں متاثر خانداناں سنگ ملاقات کی تے مشکل سرکاری امداد کی یقین دہانی کی تے اس دوران اُنہاں ایس ڈی آر ایف گے تحت پہلا منظور شدہ 38 لکھ گے نال مزید 50 لکھ روپیہ کی امداد گو اعلان کیو۔ جناب عمر نے عوام سنگ حکومت گا عزم نانہ اُجاگر کرتا واں کہیو جے متاثر خانداناں واسطے راحت تے بحالی گا اقدامات کیا جارہیا ہیں ذرائع ابلاغ سنگ خطاب کرتا واں جناب عمر نے اس طرح کہیو۔

CM PARIS

وزیر اعلیٰ عمر عبداللہ 23 توں 25 ستمبر بشکار پیرس مانہ یورپی سیاحت بارے آئی ایف ٹی ایم ٹاپ ریسا تقریب مانہ جموں کشمیر توں جارہیا حکومت گا وفد کی قیافت کریں گا۔ یاد رے جے اس وفد مانہ مشیر ناصر اسلم وانی تے ڈائریکٹر ٹوریزم جموں وکاس گُپیا وی شامل وین گا اس دورہ گو مقصد جموں کشمیر اندر سیاحت نانہ فروغ دینو ہے تے بین العوامی سیلانیان نانہ جموں کشمیر غی طرف متوجہ کرنو ہے واضع رہ جے یوہ وفد عالمی سطح ور بکھ بکھ صنعت کاراں سنگ ملاقات کرے گو جس سنگ جموں کشمیر مانہ عالمی سیاحت گا نقشہ مانہ مزید مدد ملے گی۔

TRAFFIC

جموں سرینگر قومی شاہراہ پاری گڈیاں واسطے ترے بفتان تیں بعد دوبارہ کھول دتو گیو بے ہن وادی تیں پھلاں تیں پرا وا سینکڑاں ترک ملک گا مختلف حصاں در اپنو سفر دوبارہ شروع کرسکیں قومی شاہراہ پاری بارشاں تیاچانک آیا سیلاب غی وجہ تیں متاثر ہوو تھو ایس ایس پی ٹریفک نے دسیو کہ قومی شاہراہ ور پسیہ واہ تمام پاری گڈیاں تے پھلاں نال لدی وی تمام گڈیاں نانہہ خصوصی طورور کڈیو گیو اس بارے مزید معلومات فراہم کرتا واں ایس ایس پی ٹریفک رویندر سنگھ نے اس طرح کہیو۔

PROG ANNOUNCEMENT

آکاشوانی جموں گو علاقائی خبراں آلو شعبو ایک خصوصی پروگرام پیش کرے غو جھڑو 15 منٹ غو وے گو۔ اس پروگرام غو موضوع وے غو جدید دور غی جی ایس ٹی اصلاحات اس گفتگو مانہہ بغیر جی ایس ٹی غے، ۵ فی صد جی ایس ٹی، تے 12 فی صد جی ایس ٹی غا خاتمہ ور گل بات کی جے غی۔ یوہ خصوصی پروگرام جمعہ نانہہ یعنی 19 ستمبر 2025 نانہہ سویرے 8:45 منٹ ور نشر کیو جے گو۔ اس پروگرام مانہہ ماری مہمان وین غی محترمہ نمریتا ڈوگرہ ایڈینشل کمشنر سٹیٹ ٹیکس محکمہ جموں کشمیر حکومت۔ اس پروگرام مانہہ وین اپنی قیمتی تجربات تے مفید خیالات مارے نال سانجہ کریں غی۔ اس پروگرام غی میزبانی کریں گا مارا انکر وجے بجاج، سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں غا۔
